

2170.165
34
1-5

富平縣志

賦役	山川	星野	序	一冊
	河渠	建置	圖	

富平縣志

富平縣志板

富平縣志序

履信於庚戌歲恭膺

世宗憲皇帝簡命分發陝西學習試用甫抵西安
值諸上憲奉

旨纂修通志

信

以菲材猥入志館分門編撰時館

中羅置全省郡邑諸志以脩采取幾與曹

倉鄴架較伯仲

信

見之躍然曰

信

少時覽

新城王漁洋先生諸雜著有云近世志書
文簡事核訓辭爾雅無如康對山之武功

序

志次則王羨陂呂涇野孫立山鄜縣高陵
富平諸志皆可埒於對山者今此克棟堆
牀諸家俱在也因隨手抽檢縱心披閱益
歎名公咨賞另具隻眼用敢仿厥義例勉
編紀事經籍古蹟三門幸葺厥事越甲寅
歲試用郿邑旋調富平入境山川歷歷如
逢故物接其人士雍雍濟濟先達諸老之
清風高韻髣髴如或見之者徒以濫竽志
館時預獲縱覽孫公立山所輯邑志故也



既而公務叢委紛如蝟集不惟硯田就荒
筆藁將落難附著作之林而治教未孚民
俗待易方且旁午奔命日不暇給古云政
治不成者無爲妄議文章之事信安敢遽
擬治其政事及萬民之利害哀其禮俗教
治刑禁誌其和親康樂安平彙萃成書以
俟行人謁者乘傳持節而下採耶顧惟

本朝

四聖一相承德洋恩溥海隅日出之鄉無不蒸蒸向

序

二

化名材輩出人文蔚起致可傳述矧茲三
輔名區久沐

恩膏而定鼎以還勝蹟偉人鴻章巨製紀載缺
如忝居守土責有攸歸勢又不敢以謏劣
無文竟爾怠緩從事近年百凡粗舉略有
餘暇於是徵文攷獻謀爲修志之舉始悉
舊志自孫公撰次後六十餘年

本朝韓公斗山有續輯若干卷未經刊行急命
索觀見所覩縷可補孫志之缺者得若干

事稽其歲月距今更歷八十年所矣制隨時異事與年集風逐俗移誠不可以莫之志也爰擇日立櫃博爲採訪凡閱歲得若干紙仿白帖例分門別類鱗砌爲排更走書延致邑中之學行優卓者若干人公相商權去存詳畧務歸允當而止於孫公刻本韓公草本亦皆細加研磨稍涉重複者檢剔之稍非肯綮者節去之體例稍缺及稍冗者補綴之整頓之至其辯而不華質

序

三

而不俚贍而不穢詳而有體蔚爲不刊同符班馬者則皆恪爲遵奉罔敢肆情點竄以增誣妄銓次旣竣爰登梨棗敬於簡端粗攄鄙見以告後之君子復念顧寧人先生有言監司守令不悉一方之地形土俗因革利病不可以作志信待罪五年碌碌無似輒敢泚筆汙簡率成此志方懼違愧孫公近慚韓氏難免續貂之誚至謂小言瑣議翊窳蠅聲可與對山溪陂諸公踵起

代興抗行角立他日必有文壇隻眼如漁
洋先生者起而推崇獎借之信且前望古
人後顧來者不禁內外互懃面背交汗也
是爲序

峇

乾隆五年秋七月吉日

賜進士第富平縣知縣行取候補主事西亳喬
履信撰

序

四



富平縣志目錄

卷之一

疆域山川圖
城池全圖

富平八景圖
星野

建置
疆域
沿革
城池
形勝
署廨
古蹟

卷之二

山川
陵墓
河渠
附 橋梁

賦役
糧額
舖額
稅課
物產
附 俸給

卷之三

鄉甲
附 風俗
學校

富平縣志



目錄

典禮
祀典
寺觀
附 政典

卷之四

職官

卷之五

選舉

卷之六

名宦

卷之七

人物
鄉賢
節烈
仙釋

卷之八

祥異

藝文

高平縣志

卷之二
目錄

二

富平縣志卷之一

西毫 喬履信敦峯 編次

洛陽 張雄圖慕堂 校訂

星野

周禮以星土辨九州之地列宿垂象率以九州疆域屬之富於秦分一叢土耳其顧星聚彗掃祥見東井驗在雍土昭昭也邑隸左鄰星統秦分

志星野

星野圖

東井

富平縣志 卷之一 星野



攷周禮鄭注豎史記天官漢書地理晉書天文唐書
曆志帝王世紀淮南鴻烈諸書秦地分野屬鶉首鶉
首爲南落經星東井與鬼雖班固稱秦分自井十度
至柳三度李淳風謂自井十六度至柳八度度數不
同同屬鶉首適當山河之右至後漢天文志春秋文
耀鈞廣雅宋天文志諸書或云雍州屬魁星或云天
樞主秦或云上白主梁雍而星圖復載天市垣列國
星二十二秦二星在周星東南又牛女下十二星有
東秦星西秦星又五車五星西北一星主秦糾轉紛
呶如治絲而棼故謹遵一行大衍山川兩界之說按
富平縣志

卷之一 星野

二

甘石張陳星經星圖丹元子步天歌參互考定首爲
星圖以補舊志之缺又按富平地當渭北應屬井二
故僅繪井宿不及鬼與云
西亳喬履信曰秦屬鬼井驗用如響矣稽星家言井
正明則法度正厥明大盛多風雨鬼四星明五
穀成動搖則災天人徵應不爽耳雖修德修政
用禳用祈存乎其人而視聽自民日監在茲尙
慎旃哉首撰星野敬天也

建置

疆域

城池

署廨

沿革 形勝 古蹟
帝悅秦繆用錫此土陸海金湯括三秦以爲言

也富邑雖割雍片壤然於秦中稱洋洋大風矣
畫疆有定建置靡常名跡勝地率可述而志攬
拾臚列仿寰宇郡國例志建置

疆域

富平縣治 在西安府東北東至蒲城縣界四十里
西至三原縣界三十里南至臨潼縣界二十里北
至同官縣界六十里東南至關山里蒲富渭臨四
縣界四十里西南至三原縣界三十里東北至六
井村蒲城縣界九十里西北至耀州界五十里東
北至

富平縣志

卷之一

建置

疆域

三

京師二千六百里西南至西安府一百二十里

城池

縣城本名窰橋寨元末張良弼據之徐達經畧關中
因以爲縣正統初知縣高應舉始築土爲城周三
里高三丈自壕至堞高六丈池深一丈門三弘治
中知縣陳潤闢西門嘉靖中巡撫謝蘭增築城外
敵臺知縣胡志夔砌以甃乙卯地震城圯知縣趙
桐繕之知縣崔舉葺四門知縣史燦竟其工扁四
門東曰華翔西曰荆蹕南曰盤石北曰帶溫萬曆
間知縣劉兌始創東郭更名盤門引玉帶渠水南

入隍中

本朝康熙元年知縣鄭崑璧修築康熙五十二年知縣楊勤改建南門更名啟運

署廨

縣署 在城內正中明洪武三年主簿陳忠信建天順中知縣王傑新之成化十八年知縣郭銘建吏舍創後堂三楹知縣張本增為五楹嘉靖乙卯地震傾圮知縣張桐建親民堂五楹右為庫捲棚儀門各三楹隆慶中知縣史燦建堂左翼室暨宣化坊萬曆中知縣楊守川建堂右翼室暨戒石亭知

富平縣志

卷之一

建置

署廨

四

縣劉兌建二堂三堂四堂

本朝康熙五十二年知縣楊勤建五堂

縣丞署 在縣署東明萬曆十年縣丞高希古建崇

禎十六年知縣崔允升脩

本朝康熙十年知縣鄭日仁葺脩

典史署 在丞署東康熙十七年知縣郭傳芳重脩

教諭署 在明倫堂東康熙五十二年知縣楊勤重

脩

訓導署 在明倫堂西康熙五十二年知縣楊勤重

脩

都司署 在縣署東按舊志圖卽按察司行署也

富有倉 在縣署正南

富新倉 在縣署正北

富厚倉 在縣署東南

富備倉 在縣署後

社倉

連城堡 寶村堡 留古鎮 尸家鎮 到賢鎮

薛家鎮 流曲鎮 莊裏鎮 都村鎮各一倉 美原

鎮二倉

養濟院 在富厚倉東原厦九間雍正十三年知縣

富平縣志 卷之一 建置 署廨 五

喬履信添建九間門樓一間

譙樓 明鴻臚序班李盡心脩在縣署東南

講武場 舊在南郭外明知縣劉兌移置北郭地三

十六畝

舊署廨附主簿署在縣署西職裁署廢 申明亭

在縣門左 旌善亭在縣門右 舊倉廩官倉在

縣內後堂西預備倉在治東學倉在明倫堂後

北察院在縣署北 布政司在縣東門內 西安

府在縣南街東之北 美原巡司在縣東北六十

里 官桑園在縣西南隅 稅課局在宣化坊縣

門南街 社學在新城 陰陽學在縣署東 醫
學在縣署東 僧會司在縣署東南 道會司在
縣署西

信 按廢署廨地址多無可考然其名斯存其制
可想也况申明旌善二亭在

國家垂為令典尤存董戒之意宰方舉鄉約敦教化
可聽其名與實湮乎有其舉之莫敢廢也勿咤
其迂矣

沿革表

本朝 富平縣屬西安府乾隆元年

富平縣志

卷之一

建置

沿革表

六

題定為繁難要缺

虞 雍州地

夏

商

周 畿內地東遷後屬秦置頻陽縣

信

按秦厲共公二十二年初縣頻陽
以縣在頻山南故名今縣東北五
十五里有頻陽故城即其地

秦

頻陽縣即厲共公所置始皇兼并後屬內地

西漢

頻陽縣 項羽入關分秦地王三降將頻陽屬

塞漢高時隸河上郡尋於潁陽西
置懷德縣俱屬內史景帝分左右
屬左內史武帝更左右史為三輔
屬左輔新莽時屬列尉大夫
左輔新莽時屬列尉大夫
信按懷德故城即懷陽城在今縣西
北十里即晉移富平縣治也寰宇
記云在富平縣西南十里蓋指唐
徙縣之義亭言之禹貢雖指不知
明初富平已徙今治仍誤指懷德
故城為在今縣西南又謂非漢懷

富平志 卷之一 建置 沿革表 七

德縣地而不指漢縣在何方今按
西漢置縣之後東漢省入潁陽則
所置之縣即屬故城至晉徙富平
治之似不當有異地也

東漢 潁陽縣省懷德入潁陽仍屬左馮翊

蜀魏 潁陽縣屬左馮翊

晉 富平縣 潁陽縣 富平隸北郡部潁陽仍屬左馮翊

信按西漢地理志富平隸北地郡縣
有北郡渾懷二都尉分治神泉渾
懷二障地在靈州回樂縣界東漢

時自因樂徙治彭原縣界至晉苑
於彭原界徙道今縣西北十里許
懷德故城

南北朝 富平縣 土門縣

苻秦於頻陽置土門護軍魏太武帝
平真君八年罷土門護軍以其地入
同官徙北地郡于泥陽之通川通川在縣東北三十里
今流曲地復以泥陽入富平宣武
景明元年析同官置土門罷頻陽西
魏文帝大統五年自懷德徙富平於
今縣西南三里石川河之陽石婆婆

富平縣志

卷之一 建置

沿革表

八

原廢帝三年以富平隸宜州今耀州後
周閔帝二年於縣置中華郡以在中華原右
故領富平武帝建德四年罷中華郡
以富平隸馮翊

隋 富平縣 土門縣

文帝開皇三年隸雍州煬帝大業二
年省土門入華原屬京兆郡義寧二
年復析華原置土門縣隸宜君郡

唐

富平縣 美原縣

武德初置富平道驃騎車騎領之旋
改立戈軍貞觀十七年罷土門咸亨
二年析富平華原等土門故址置

美原縣天授元年隸宜州大足元年
隸雍州開元中徙治義亭城即今縣也
屬關內京兆府貞元四年改赤縣旋
陞州天祐二年李茂貞據鳳翔析美
原為鼎州隸耀州貞明元年改裕州
隸崇州

五代

富平縣
美原縣

梁復美原屬雍州改鼎州為裕州唐
自雍州移富平屬耀州以美原屬同
州已屬耀州晉漢周因之

宋

富平縣
美原縣

元祐三年併富平美原同屬永興路
富平縣志 卷之一 建置 沿革表 九

京兆府耀州

金

美原縣皇統二年省富平入美原隸耀州天

會九年賜齊天眷元年歸宋三年復
取之

元

富平縣復富平與美原仍屬耀州至元元年

以美原入富平
信按元末守將張良弼即張思道屯兵
橋寨依卽陵為城卽今治所

明

富平縣洪武二年屬耀州萬曆 年改隸

西安府

信

按明兵於元末圖攻張良弼不能
下至徐達經畧關中弼遁去遂
窳橋寨為縣治之屬耀州遂廢
所徙縣嘉靖中直指梁一魁
富平近府遠州宜隸西安叅
希夔議以橫孫永浮四里予
隸焉都御史傅鳳翔不可叅
調停令四里力役屬州版籍
民苦奔命萬曆中邑人孫家
揚率士民自巡撫崔應麟奏

富平縣志

卷之一

建置

沿革表

十

西安府至崇禎時後議割四里屬
州邑解元劉士龍倡眾自道院寢
其事十六年闖寇偽令耿日齊竊
據順治五年

本朝平之定為縣

形勝

南襟荆山北枕明河東帶溫泉西紫漆沮周覽全形
指劃勝蹟漢晉以來北當上郡西河為數郡姿

洵匪誣也

右備

直市城 在縣西南二十五里三輔黃圖云秦文公造物無二價故名直市

穆公城 在縣南三十里宋敏求長安志云南面西面崇一丈五尺東北面無墻

頻陽古城 縣東北五十五里秦厲公立縣處應劭云在頻水之陽是也南有王剪宅卽秦賜美田地

土門故城 在明月山下苻秦署土門護軍處

富平故城 西魏時置在石川河陽

通川故城 後魏自泥陽徙北地郡於此卽流曲故

城

富平縣志

卷之一

建置

古蹟

七

中華郡城 在縣西南三里石川河之陽後周閔帝

置有二石人卓立卽郡門所在人稱石婆婆原

義亭城 通志云唐開元間徙富平於義亭城卽今

舊縣地蓋古之鄉亭也里曰義林里在富平縣東

北十里

懷德故城 在縣西北十里卽今懷陽城

美原故城 縣東北六十里魏置土門唐改此

廣武城 在縣南十五里舊隸頻陽後入富平舊志

云今縣南無此地矣耀州志云在富平故城東北

十五里鹵原上

遷鄉城 漢薄太后戚屬所居見北齊村等處碑記
曠野原 在莊里東南三十里世傳周宣王田獵所
華陽原 在縣東南三十里始皇二十三年李信伐
楚敗歸時王剪謝病家居始皇疾駕入頻陽手以
上將印佩剪身授兵六十萬後三日剪發頻陽始
皇降華陽公主簡宮中麗色百人爲媵北迎剪於
途詔卽遇處成婚剪行五十里遇焉列兵爲城中
堅設錦帳行合卺禮信宿公主隨剪入都詔頻陽
別開主第名相遇處爲華陽今名華原

王侯堡 在縣西北四十五里卽王剪屯兵所又莊
富平縣志 卷之一 建置 古蹟 三
子鎮有王剪別業

兩金堡 在縣東南三十里周八百步東有兩金泊
史記秦獻公十六年兩金櫟陽後因名堡按其地
古櫟陽界也

薄臺 在溫泉南傳爲薄太后臺趾見存又薄太后
園在懷陽城引文昌渠水環之明季耕者拾玉釵
刻大鳳一小鳳九識者謂爲古宮粧飾云

樂視臺 在縣西南二十五里世傳漢武帝遊樂其
上今廢

胡馬臺 在縣東門外卽今東嶽廟

更衣臺 在唐元陵北三里太子祭陵更衣處

高媒祠傍洞 在金粟山為元僧詳悟蟬蛻所

劉仙洞 在金粟山東洞額題碧雲島

五石洞 世傳王仙修煉處在月窟山南三十里

五郎洞 在壇山寺後洞內有碑五郎唐懿宗第五

子

五華洞 在荆山北相傳五仙人講道處洞額張仙

三丰題

公冶長故里 在莊里北十五里仰天池下北二十

里一云在耀州孫志云傳疑也

富平縣志 卷之一 建置 古蹟 十三

王剪故宅 在千口以家有千口故名

五家窰 在熨斗坪西南五里第五倫子孫世居之

蔡伯喈庄 在十八坊韓志云邕陳留人何以居此

意董卓入關後邕或寓斯歟

魏徵故里 在縣境宗支碑石尚可誦讀有左右鵝

鴨池

寇萊公河 寇姓者居此傳係萊公後

杜宰相宅 在土門東

胡尚書宅 在土門東橋子溝與杜宰相宅南北相

向名與代俱無考

蘇尚書宅

在弘化坊宅內獅腹鑄云明昌元年

仲蘇千明隆慶初耕者獲銀觴於宅隅銘如獅腹

神芝坊

在莊里南以產神芝故名有碑

教場坪

在莊里西北五里世傳王剪李光弼李興

劉尚王丙第先後講武處

軍寨

宋張浚與金人戰處浚為川陝宣撫處置使

北入關聞金帥兀朮方寇淮西慮擾行在謀牽制

之遂決策治兵合五路師復未與軍金大俱令兀

朮由京西入援大戰富平之北虜川即此後人掘

得鐵鎗上書統制蓋諒名

富平縣志

卷之一

建置

古蹟

古

田家營

在縣西二十里張思道屯兵處今因故址

築寨田姓居之

箭頭谷

賀師範諸將舊戰場在兩金堡北五里

夏鼎

大禹所鑄在掘陵原今無

漢鼎

在牛山漢武帝獲寶鼎於汾陰鼎至中山氣

盪有黃氣即此

李光弼碑

顏真卿撰張少悌書舊在覓子店前今

孫如蘭移文廟內

田真人碑

在美原鎮

符元亮碑

在浮山薄臺柳公權書後移文廟見在

王侍郎誥命碑 諱丙在官庄里普寧寺西

賀蘭仙跡 在賀蘭山

苻堅揮劍跡馬蹄跡 在千尺崖東十五里石岸下
西毫喬履信曰疆有寓望山與川有虞有衡濬陸增
壘各有司存總厥成者誰與禮有之陳殷置輔
寇以立監建牧則蒞厥土倡厥屬匪令尹是責
將誰責至某邱某水勝跡沉湮保障之謂何哉

疆域山川圖

富平縣志

八景圖

疆域山川圖

東交蒲城界四十里
庄子舖




城池全圖

富平縣志

八景圖

城池全圖

三




富平縣志

景圖

城池全圖

四



原拉郡邑誌志於城池外又繪
 文廟公署諸園穴藉以文廟隨
 地從因多累各有定之或且既
 附凡城池圖中更繪專園
 藝矣故槩從畧去焉繪此
 圖云

信真識



富平八景圖

錦屏列翠


富平縣志

八景圖

五

錦屏山





環富皆山茲峯尤美排
 青展碧儼若漢殿果恩
 高張雲錦朝爽夕佳尤
 堪手版支頤一盪心胸

西亭喬履信題





玉帶環流



溫水為之來自西水支近
 城由玉帶橋而過琮璚
 比玉厓汪疑虹連電雉堞
 倒影波有倚樓下瞰何
 減身在冰臺

蜀中王文鐸



杏林晴眺

富平縣志

景圖

九



百川河

聖母廟



杏花名村文杏開館風流
 致佳千古豔之石《南望
 何止一色十里消息關中
 吟情馬上良屬奇郊勝覽

夏鎮納善策



靈

湫

夜

月

富平縣志


會景圖

十一



富平縣志 八景圖

三



月印三潭 西湖轉繞
 千回盡游 且足堪方駕
 而函美 詩言 解後 已之 詳吐 飄然
 動涵 宛免 應如 仙弄 瀛崖 印

銀州王倚壘




南湖烟雨

富平縣志

風景圖

三



強梁原



富平縣志

景圖

古

下池易名南湖始著一碧
 涵天空明可鑑晴色固爾
 佳絕至於烟雨離迷林塘
 隱約更覺幽曠絕倫恍置
 瀟湘江上

伏羌周贊文





五陵秋色

富平縣志

風景圖

五





前明之安表三平即有通
 平陵且喜以如彩鏡奇物
 精妙接之吊古序評出傳
 若唐平陵石馬嘶風卷
 旗月楓丹暮色中
 懷古情
 深矣唐增以十倍

清河柴澤灝



美原仙蹟

富平縣志
八景圖

七





丁令鶴謫蘇耽霍書神仙
 有情誰忘如土流原夜月
 破廟秋風不空何日另
 已 翩躚隻影破宮而下
 於松 彬古抱交一際子孫之墓

武林魏振基



石洞書毅


富平縣志

景圖

九

月窟山

西文學洞





東西廿學光庭胥記當與玉
 女石傍秋在輟聞梅阜毅仙
 夕日畔毛鳥畫任搗藥声杳
 似也每擬新秋月夜獨立空
 山側聆天半呶唔定知音如
 鳶鳳不數蘇門清嘯

喬履信題



富平縣志

凡例

一前明司訓王君道教諭呂君子固縣丞李君梁先後所輯邑志皆不傳傳者僅孫恭介公定本暨

本朝韓公斗山稿本今志托以權輿奉爲編範間亦補缺拾遺畧參螭見敢謂增華加厲別具鴻裁一孫志目分十門韓志分二十二門孫公事當草創雖叙致精核文筆雅健而前缺星野後遺藝文未免節目踈濶微傷漏畧韓志體例加詳顧

富平縣志凡例

人物一門漏畧頗多加前後叙次間亦未盡穩適如孝義不附人物而列陵墓之下水利乃後藝文而不居田賦之前當時應自有說而鄙意終覺未允故敢妄肆訂增畧加竄易

一此志目分十四視孫羸四較韓省八先星野以占天文次建置以規地利地借鎮於山川利莫大於河渠故山川河渠次之水滋民田而賦以起賦按鄉定而甲以分故賦役鄉甲次之教繼養而興秀由野而升故學校又次之教學爲建國君民之先而禮樂政治次第可舉矣故典禮

又次之然舉政倡化者有民有社之責也而登
雋升華者五都四民之首也故職官選舉之
之若乃同一職官而獨以循良著同一選舉
特以德行道藝稱或且未與選舉而初不假
科目仕籍以爲重則夫樂只君子豈弟君子與
夫此都人士此都士女其歿而可祭於社者固
宜表而出之以爲後世法名宦人物次於職官
選舉者此物此志也至於祥異者由人而興因
政而見者也故列名宦人物之下藝文者道德
之枝葉人事之緒餘也故殿全志各門之終

一此志目雖十四而建置中則分疆域城池公署
沿革形勝古蹟六小目學校分學官書院典禮
分祀典政典賦役分糧額稅課俸給驛鋪物產
人物分鄉賢節烈流寓仙釋又附陵墓於山川
附橋梁於河渠寺觀附興禮風俗附鄉甲封爵
恩蔭之屬附選舉大旨從簡小目從詳務以不
繁不漏爲度覽者鑒之

一沒世名稱蓋棺論定故鄉賢一類雖碩德醇行
幟豎表懸而現存者必不敢率爾遽登以乖著
述之體間有一二附見者以與法應立傳之人

事跡有關不得不牽連及之若特立一傳則斷斷無有至節烈一類無間存歿均得隸名者則以一醜終身九原永誓年與例符在

朝廷且有褒揚之典表里樹風何惜片楮點墨以志

幽貞

一星野一門孫志從畧韓志缺圖今俱補入建置在二公身後者補入山川則孫志所據最爲委備謹奉舊規畧參新攷餘自河渠以迄選舉並祥異藝文率與建置同例惟人物一門博採廣詢悉意參酌罔敢濫取瞻徇致同謾牒穢史名

富平縣志

凡例

三

官則據孫韓二志檢其無與富邑者刪去數人餘條習之其增入者僅

本朝李郭蔣楊李數君志慎也

一孫韓二志所載職官褒鉞大峻每於奉職無狀者極口痛詆如粗腿丞之類是也愚意邑志與國史體同而例異國史尙嚴邑志從寬况二志於人物有褒無貶於職官獨口誅筆伐居其半未免稍失平衡兼違不非大夫之義此志於綽有官蹟者如舊登之條勒醜行者概從削去僅書籍貫出身暨其蒞任年月失考者缺亦春秋

不待貶而自見之例也務戢雌黃口角但存皮裏陽秋

一藝文投櫬綦夥脫口珠璣觸目琳琅而不獲廣擷兼收者徒以志書之例非有關地方雖巨製鴻篇高文典冊不應濫取惟前明楊忠介公二奏疏匪惟梧桐之翻却亦桑梓之光宜標前型以振後起故特爲錄入

西亭齋履信識

